

أه يا عباس
حامي خيام
ارجع برايتك
أه يا عباس

من طلع وبزنده جوده يطلب الماي
ماجت خيام الحسين وصاح بهداي
ونّت الأطفال كلّهم ذايب حشاي
اصبروا خلوا نظركم يتبع الّواي

خلّاه الماي صاحت عياله يعمنا
خلّاه الماي خاف لا يوكع علمنا

تالي نظام أه يا عباس

ثارت الغبرة وحسام الساكي صايل
طلعت اسكينة الأبوهالين تسايل
چن أشوف بگلبي بيرگ عزنا مايل
هذا شنهو الطاح منه ودمه سايل

مايل الّواه عالگمر شي شد صبرنا
مايل الّواه بعده شي نور فجرنا

نور ليّام أه يا عباس

لنها لاحت يـم عمود الخيمة حرمة
لأذت بجفها البنات وكلها رحمة
تمسح اعليهم ولكن فيها هزيمة
غيّم الطف وصبح عاشور ظلمة

كافلي وين ظلت اتحن وتنادي
كافلي وين خاف مگطوع الأيادي

تتعى لیتام آه يا عباس

وبعباية فاطمة الكعبة الأبيّة
طافت بدمعة بنات الهاشمية
وابتدت چنها الشمس منها رقية
تسأل شلون الگمر مارد إليه

وافي لوعود وينه ما ردلي يعمه
وافي لوعود گالت إلهاسال دمه

ترسته سهام آه يا عباس

والگمر طبعه بسمّاه وطايح شلون
عالتراب ونور وجهه أحمر يكون
الامام أحنى عليه بماي لعيون
يغسل اجراحه ورجع للخيمة محزون

ظهره مكسور خلفه جيش و وحده راجع
ظهره مكسور من چچی زاد المواجه

عالنهر نام آه يا عباس